

Fiche G7-i *Aimunissa iapashtakaniti anite aimunit ka ishinakutakaniti auen ka tipenitak*

Neni ishinikatamuna tshipa tshi itashtakanua miam: auen ka tipenitak tshekuannu kie ma ka tipenitakanit tshekuan. Ne ushkat tshe ui tshissenitamak^u, auen an tepenitak nenu tshekuannu, ishinikatamunnu. Tshipa tshi natamik^u auen tipenitam^u, nin, uin, Pien, Pun mak Mani, katshishkutamatsheshiht kie ma kutak auen miam ne natukunish utshishkuema kie ma innu-utshimau utanisha. Ne auen ka tipenitak tshekuannu nanitam an ka inniuimakak aimun.

Anite innu-aimunit, ne uet tshissenitakanit aimun ka tipenitakanit, akussueu anite aimuniss nikan ishinikatamunit (ni¹⁶nishkim ‘mon outarde’, tshinishkim ‘ton outarde’...) kie nete mashten e punipanit ishinikatamun iapit, etashtet -im ka tipenitak tshekuannu (ninishkiminan ‘notre outarde’, tshinishkimuau ‘votre outarde’...). Uitakanu auen nenu tepenitak aimunnu. Ne tshekuan ka tipenitakanit, tshika itashteu ka inniuimakak kie ma eka ka inniuimakak.

Mate: tshitapatamutau ne aimun kak^u, ‘porc-épic’ miam ishinikatamun ka tipenitakanit eshinakutakaniti mak neni nikan aimunissa ka tapitiki.

Préfixe / Nikan aimunit ka tapitiki	<u>Kak^u</u>	Porc-épic
ni-	<u>nikakum</u>	mon porc-épic
tshi-	<u>tshikakum</u>	ton porc-épic
u-	<u>ukakuma</u>	son porc-épic
ni-	<u>nikakuminan</u>	notre porc-épic (mais pas le tien)
tshi-	<u>tshikakuminan</u>	notre porc-épic (à toi et moi)
tshi-	<u>tshikakumuau</u>	votre porc-épic
u-	<u>ukakumuaua</u>	leur porc-épic

¹⁶ Neni nikan aimunissa ka tapitiki anite ishinikatamunit 1 mak 2 mak kutaka tapishkut ishinakuana anite aitunit.